



JABATAN PERKHIDMATAN VETERINAR MALAYSIA

LAPORAN LIPUTAN MEDIA

SELASA , 15 JUN 2021

1	Tempahan lembu korban merosot
2	Lelaki didakwa aniaya kucing
3	Tak mengaku heret kucing
4	Jualan lembu ibadah tetap laris
5	Jobless man claims trial to torturing cat

DISEDIAKAN OLEH:

TARIKH

MEDIA

RUANGAN


MUKA SURAT

15.06.2021

UTUSAN MALAYSIA

DALAM NEGERI

27



MUHAMAD Arif Musa menunjukkan surat kebenaran perjalanan meneruskan perusahaan komoditi ternakan semasa PKP di Air Kuning, Kampung Gajah, Pasir Salak, Perak. - UTUSAN/AIN SAFRE BIDIN

Tempahan lembu korban merosot

Oleh AIN SAFRE BIDIN
ain@newsworld.com.my

PASIR SALAK: Sekatan pergerakan penuh yang dilaksanakan ketika ini menyebabkan tempahan lembu untuk ibadah korban sempena Hari Raya Aidiladha tahun ini menjadi perlahan.

Penternak lembu di Air Kuning, Kampung Gajah dekat sini, Muhamad Arif Musa, 25, berkata, setakat ini, dia hanya menerima tempahan lapan ekor lembu bagi tujuan sembelihan korban tidak lama lagi.

Katanya, keadaan itu berbeza tahun sebelum wabak Covid-19 apabila pelanggan

membuat tempahan tiga bulan lebih awal dari sekitar Kampung Gajah, Hilir Perak dan Perak Tengah.

"Saya bersyukur setakat ini tiada ternakan saya yang dijangkiti penyakit kulit kental (LSD), cuma agak gusar sebab tempahan untuk lembu korban kali ini perlahan disebabkan PKP.

"Sebelum ini, tempahan untuk lembu korban pernah mencapai 100 ekor iaitu lima bulan sebelum korban, pelanggan sudah membuat tempahan," katanya kepada *Utusan Malaysia*.

Muhamad Arif yang memternak 700 ekor lembu berkata, walaupun tempahan untuk

korban berkurangan, dia tetap menjual ternakannya pada harga biasa.

Katanya, harga lembu mengikut saiz dan umur iaitu antara RM5,000 seekor bagi yang bersaiz kecil dan RM7,000 hingga RM8,000 seekor bagi lembu yang bersaiz besar.

Menurutnya, penternak lembu seperti ternakan tidak cukup makan di padang ragut, kos makanan yang mahal serta ubat-ubatan dan ternakan mati dilanggar kenderaan.

"Menjelang Aidiladha, kes curi lembu pula semakin menjadidi-jadi," katanya.



Azizul (kanan) didakwa di Mahkamah Majistret Teluk Intan pada Isnin atas pertuduhan melakukan penganiayaan terhadap seekor kucing pada awal Jun lepas.

Lelaki didakwa aniaya kucing

TELUK INTAN • Seorang lelaki didakwa di Mahkamah Majistret Teluk Intan pada Isnin atas pertuduhan melakukan penganiayaan terhadap seekor kucing pada awal Jun lepas.

Tertuduh, Azizul Sahabuddin, 46, bagaimanapun mengaku tidak bersalah selepas pertuduhan terhadapnya dibacakan di hadapan Majistret Adilah Mokhtar.

Mengikut pertuduhan, tertuduh secara tidak munasabah menyebabkan penderitaan yang tidak perlu kepada haiwan iaitu dengan menyeret seekor kucing di atas jalan.

Perbuatan itu didakwa dilakukan di Jalan Attaduri Langkap, Hilir Pe-

rak kira-kira jam 6.30 petang pada 3 Jun lalu.

Bagi kesalahan itu, dia didakwa di bawah Seksyen 29 (1) (a) Akta Kebajikan Haiwan 2015 dan boleh dihukum di bawah akta sama.

Sabit kesalahan, dia boleh didenda tidak kurang RM20,000 dan tidak lebih RM100,000 atau dipenjarakan selama tempoh tidak lebih daripada tiga tahun atau kedua-duanya sekali.

Timbalan Pendakwa Raya, Nur Azimah Che Ismail menawarkan jaminan RM8,000, bagaimanapun tertuduh yang diwakili Peguam Bela daripada Yayasan Bantuan Guaman Kebangsaan (YBGK), S Kumaresan

memohon agar wang jaminan berkenaan dikurangkan atas alasan tertuduh tidak mempunyai pekerjaan tetap selain masih menanggung ibu bapanya.

Mahkamah kemudian membenarkan tertuduh diikat jamin sebanyak RM3,500 dengan seorang penjamin selain menetapkan 14 Julai depan sebagai tarikh sebutan semula kes.

Tertuduh telah ditahan polis pada 4 Jun lepas bagi membantu siasatan kes itu selepas satu video memaparkan tindakannya seolah-olah mengheret kucing di atas jalan tular di media sosial.



ZUL (kanan) dibawa Mahkamah Majistret Azuk Intan semalam.

Tak mengaku heret kucing

Teluk Intan Seorang lelaki mengaku tidak bersalah di Mahkamah Majistret di sini, semalam atas pertuduhan menyeret seekor kucing di atas jalan pada awal bulan ini.

Tertuduh, Azizul Salahuddin, 46, membuat pengakuan berkenaan selepas pertuduhan dibacakan di hadapan Majistret Adillah Mokhtar.

Lelaki terbabit didakwa secara tidak munasabah menyebabkan penderitaan yang tidak perlu kepada seekor haiwan iaitu dengan menyeret seekor kucing di atas jalan.

Tertuduh didakwa melakukan kesalahan berkenaan di Jalan Attaduri, Langkap jam 6.30 petang pada 3 Jun lalu.

Pertuduhan berkenaan dibuat mengikut Seksyen 29(1)(a) Akta Kebajikan Haiwan 2015 dan boleh dihukum di bawah akta sama yang memperuntukkan denda tidak kurang RM20,000 dan tidak lebih RM100,000 atau penjara tidak lebih tiga tahun atau kedua-duanya, jika disabit kesalahan.

Pendakwa Raya, Nur Azimah Che Ismail manakala tertuduh diwakili peguam Yayasan Bantuan Guaman Kebangsaan (YBGK), S Kumarasan.

Mahkamah kemudiannya membenarkan tertuduh diikat jamin sebanyak RM3,500 dengan seorang penjamin dan sebutan semula kes ditetapkan pada 14 Julai depan.

Harian Metro sebelum ini melaporkan seorang lelaki disyaki melakukan penganiayaan terhadap seekor kucing dengan menyeret haiwan berkenaan sambil menunggang motosikal seperti tular di media sosial ditahan polis.

Mahkamah membenarkan tertuduh diikat jamin sebanyak RM3,500

Kuala Terengganu: Walaupun ketetapan dan prosedur operasi standard (SOP) berkaitan ibadah korban belum ditetapkan di beberapa negeri, jualan lembu korban tetap laris seperti tahun sebelumnya.

Selain lembu baka kampung, lembu 'sado' seperti charolais, limosin, blonde dan Belgian Blue turut terjual untuk ibadah korban.

Penternak, Mohd Amirul Ibrahim, 35, dari Kampung Che Hem, Bukit Tunggai berkata, beliau menjual 70 lembu kampung untuk ibadah korban pada tahun ini.

"Terbaru saya baru saja menjual lembu baka Belgi-

Jualan lembu ibadah korban tetap laris

an Blue seberat 1,200 kilogram (kg) pada harga RM25,000 seekor.

"Sebelum itu, dua lembu baka charolais seberat 1,000kg ke atas pada harga RM40,000 sudah dijual untuk tujuan sama," katanya ketika ditemui di kandang lembunya di sini, semalam.

Menurutnya, lembu korban berharga RM4,000 hingga RM5,000 seekor bergantung kepada saiz dan dihantar ke beberapa negeri.

"Selepas Ramadan, lebih 30

lembu korban sudah dihantar ke Selangor dan Melaka.

"Manakala 40 lembu korban lagi dijual di seluruh daerah di negeri ini," katanya.

Beliau berharap ibadah korban boleh dijalankan di negeri ini seperti tahun lalu.

"Kami tidak kisah menjalankan ibadah korban itu walaupun perlu mengikuti SOP yang lebih ketat asalkan ibadah korban itu boleh dijalankan," katanya.



AMIRUL menyayak 70 lembu baka Belgian Blue yang dijual untuk ibadah korban.

CRUELTY AGAINST ANIMAL

Jobless man claims trial to torturing cat

TELUK INTAN: A jobless man pleaded not guilty at the magistrate's court here yesterday to torturing a cat by dragging it behind a motorcycle in Kampung Attaduri, Langkap here, on June 3.

Azizul Salahuddin, 46, entered the plea after the charge was read out to him before magistrate Adilah Mokhtar.

He was charged with unreasonably causing pain and suffering to the animal by dragging it on Jalan Attaduri, Langkap, at 6.30pm on June 3.

The charge, framed under Section 29 (1) (a) of the Animal Welfare Act 2015, carries a fine of not less than RM20,000 and not more than RM100,000, or imprisonment not exceeding three years, or both, if convicted.

The court granted Azizul bail of RM3,500 with one surety and set July 14 for mention.

The prosecution was conducted by deputy public prosecutor Nor Azimah Che Ismail, while lawyer S. Kumaresan from the National Legal Aid Foundation represented the accused.

Earlier, Hillir Perak district police chief Assistant Commission-



Azizul Salahuddin (right) at the magistrate's court in Teluk Intan yesterday. BERNAMA PIC

er Ahmad Adnan Basri said the man was arrested when he went to the Langkap police station on June 4 to deny claims that he was involved after he was informed by family members that a video of him torturing a cat was being

shared on social media.

The 34-second video, showing a brown cat being dragged in a net behind a moving motorcycle, angered netizens, who demanded that action be taken against the motorcyclist. Bernama